

**E parti Caribense di Reino tin un tradicion y practica periodistico rico, cu periodista cu ta duna noticia solido y creadonan di noticia apasiona. Pa periodismo a base di investigacion, pa reportahe cu ta bai mas profundo cu noticia y pa desaroyo profesional di nos periodistanan local, no semper tin suficiente espacio. Fondo di Proyectonan Periodistico Extraordinario (Fondo BJP) ta compromete su mes pa crea e espacio aki pa periodista- y creadonan den periodismo di e seis islanan Caribense di Reino, den forma di un areglo di subsidio y sosten na midi pa proyecto individual.**

For di aña 1990, Fondo BJP ta sostene periodista y creadonan di noticia pa asina crea produccionnan mas extenso manera documental, reportahe (digital), podcast, articulo y buki. Nos ta inverti ademas den desaroyo di talento y crecimiento profesional otorgando stage y beca pa formacion. Por ultimo, nos ta organisa actividad pa stimula colaboracion den Reino y asina fortalece e sector periodistico local. Tur e areglonan aki ta accesibel pa periodistanan di Reino Hulandes; tanto esnan Europeo como esnan Caribense (Aruba, Corsou, Sint Maarten, Boneiro, Statia y Saba).

### **Sosten na midi**

Como cu nos a constata cu e areglonan pa Hulanda no semper ta na e practica- y necesidadnan na e islanan Caribense, for di 2025 nos a bin ta enfoca riba areglo- y ofertanan formula na midi pa nan. Di e manera aki, nos di Fondo BJP ta purba adapta e posibilidadnan cu e fondo ta ofrece na e practicanan periodistico den Caribe di un forma mas optimal. Nos ta haci esaki den consulta estrecho cu periodista-, creado- y otro profesionalnan interesa den periodismo y e medionan di comunicacion di e seis islanan.

Nos lo sigui ofrece e oportunidadnan aki den 2026 pa asina sigui sostene periodistanan Caribense di Reino.

Bo tin cualkier pregunta of comentario? Manda un e-mail na [cariben@fondsbjp.nl](mailto:cariben@fondsbjp.nl).